

周易參同契

卷二

廬陵後學黃瑞節附錄

周易參同契五代彭曉解義序曰魏伯陽會稽上虞人修真潛默養志虛无博瞻文詞通諸緯候得古文龍虎經盡獲妙旨乃

約周易讓參同契三篇復作補塞遺脫一篇所述多以寓言借事隱顯異文密示青州徐從事徐乃隱名而注之桓帝時公復

傳授與同郡淳于叔通遂行於世參雜也同通也契合也謂與周易理通而義合也

其書假借君臣以彰內外叙其離坎直指承鉛列以乾坤算量鼎器明之父母保以

始終合以夫妻拘其交媾譬諸男女顯以

滋生析以陰陽導之反復示之晦朔通以

降騰配以卦爻形於變化隨之斗柄取以

周星分以晨昏昭諸刻漏莫不託易象而

論之故名周易參同契云

按參同契註本凡一十九部三十一卷其目蓋天經卦式靈文略彭曉本最傳然分三卷為九十章以應陽九之數象鼎器一篇以應六一之數其傳會類如此蓋效河上公分老子為上經下經八十一章而其實非也鮑氏云彭本為近

世漢學去史松館所藏民間所錄差誤所說莫知遠從朱子考辨正文引證微據其本始定今不取又發附諸說云

朱子曰參同契本不為明易姑借此納甲之法以寓其行持進退之候異時每欲學

之而不得其傳无下手處不敢輕議然其所言納甲之法則今所傳京房占法見於

火珠林者是其遺說所云甲乙丙丁庚辛者乃以月之昏且出沒言之非以分六卦

之方也此雖非為明易而設然易中无所不有苟其言自成一家可推而通則亦无

害於易○伯陽參同契恐希夷之學有些自其源流○先天圖與納音相應蔡季通

言與參同契合以圖觀之坤復之間為晦震為初三一陽生八日為兌月上弦十五

日為乾十八日為巽一陰生二十三日為

艮月下弦坎離為日月故不用參同以坎

離為藥餘者以為火候○邵子發明先天

圖圖傳自希夷希夷又自有所傳蓋方士

技術用以修鍊參同契所言是也○參同

契文章極好蓋後漢之能文者為之其用

字皆根據古書非今人所能解以故皆為人妄解世間本子極多其中有云千回煉彬彬子萬變釋可觀神明或告人号魂靈忽自悟言誦之久則文義要訣自見○須溪劉氏曰古書惟參同契似先秦文